

容

# 庶物類纂

玉屬  
自八至九

太政官文庫			
和	特	三	二
書	別	二	三
門	類	三	六
		六	二
		號	函
四	第	五	十
五	四	番	架
冊	架	函	號

内閣文庫			
番號	和	32362	
冊數	465 (189)		
函號	特	54	1

八十四

共十




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







庶物類纂玉屬卷之八目次

夜光珠

明月珠


如意寶珠

青鳳子


火齊


庶物類纂卷八

玉屬目次



夜光珠





夜光珠

東方朔之遠見周穆王時西胡獻昆吾割玉刀及夜  
 光常滿杯刀長一尺盃受三升刀切玉如切泥盃是  
 白玉之精光明夜照冥夕出盃於中庭以向天比明  
 而水汁已滿於盃中也汁甘而香羨斯寶靈人之器  
 秦始皇時西胡獻切玉刀無復常滿盃耳

○漢東方朔海內十

記

十洲記曰周穆王時西域獻夜光常滿杯杯容三升  
 是白玉之精光明照徹夜以杯於庭中以向天比且

而水升滿中汁甘而香美斯實靈器唐歐陽詢藝文類聚

開元元年中因雨過地潤微裂至夜有光宿衛者

記其處所曉乃奏之上令鑿其地得璽玉一片如柏

板樣上有古篆天下大平字百僚稱賀收之內庫唐王

仁裕開元天寶遺事

蕭餘上元夜於宣陽里酒盤下得一物如人眼睛其

體類美石光彩射人餘夜遊市肆閑置掌中每行黑

闇衢巷隨身光明三尺毫末可鑿後因而飛出影燈記

唐馮贄雲仙雜記

號國夫人有夜明枕光照一室不假燈燭開元遺事

一士人娶得陳官人夜注火則惡煤氣士人易以蠟

復惡其影蕩入士人因詰之汝後官何以照夜官人

曰唯室中懸珠一顆耳唐馮贄南部烟花記

吳絳仙有夜明珠赤如丹砂恒繫于蓮華帶上著宵

前夜行他人遠望但見赤光如初出日輪不辨人也

楚龍輔女紅餘志續說郭

明皇雜錄曰天后嘗召諸皇孫坐於殿上觀其嬉戲

因出西國所貢玉環釧盃盤列於前後縱令爭取以

觀其志莫不奇竟厚有所獲獨上瑞坐略不為動后  
大奇之撫其背曰此兒當為太平天子因命取玉龍  
子以賜王龍子太宗於晉陽宮得之文德皇后常置  
之衣箱中及大帝載誕之三日以珠絡衣襟并玉  
龍子賜焉其後常之藏內府雖其廣不數寸而溫潤  
精巧非人間所有及上即位每京師憊雨必虔誠祈  
禱將有霖霪逼而視之若奮鱗鼠開元中三輔大旱  
上御祈禱而涉旬無雨上密投南內之龍地俄而雲  
物暴起風雨隨作上幸西蜀車駕次渭水將渡駐蹕

於水濱左右侍御或有臨流濯弄者於沙中得之上  
聞驚喜視之泫然淚涕曰此吾昔時所寶玉龍子自  
後每夜中光彩輝燭一室上既還京為黃門攘竊以  
遺李輔國常置於櫃中輔國將敗夜聞櫃中有聲開  
視亡其所太平御覽

機謹按瑞坐當作端坐衲禱當作祈禱鱗鼠當作  
鱗鬣也

魏畧曰大秦國出夜光珠真白珠夫餘出珠大如酸  
棗太平御覽

搜神記曰隨侯行見大蛇傷救而治之其後蛇啣珠以報之徑盈寸純白而夜光可燭堂故歷世稱隨珠焉同上

鄒陽傳夜光之璧古今注螢火一名夜光淮南子月名夜光宋趙崇絢雜助

西京雜記曰高祖斬白蛇劍上有七采珠九華玉為飾雜廁五色琉璃為匣劍在室光景猶照於水也太平

隨侯見傷蛇以藥封之蛇銜明珠徑寸純白夜光燭御覽

室以報隨侯宋孔侯白

東夷有明珠稱夜光致之平地終日不停同上

拱壁亭亭六角六壁旋拱中置夜光珠一顆晦夜燦

若白晝光燭數十步外又名夜光亭天台陶宗儀元氏掖庭記

揚州新開湖者珠夜放光照十里外其珠大如拳白

如銀赤如日光謂日光珠明馮應京月令廣義

明皇雜錄明皇賜魏國照夜璣蓋希世之寶也淵鑑類函

尹文子曰魏田父有耕於野者得玉徑尺不知其玉也  
以告鄰人鄰人詐之曰此怪石也畜之弗利其家



田父雖疑猶預以歸置於廡下其玉明照一室大怖  
遽而棄之于遠野鄰人取之以獻魏王魏王召玉工  
相之玉工望之再拜賀曰大王得天下之寶臣所未  
嘗見王問其價玉工曰此無價以當之五城之都僅  
可一觀魏王賜獻王者千金長食大夫之祿上  
成帝時真臘獻萬年蛤不夜珠光彩若月照人無妍  
醜皆絕羨艷帝以蛤賜趙后珠賜婕妤  
魏惠王徑寸之珠前後照車各十二乘者十枚隋煬  
帝殿內房中不然膏火懸大珠一百二十以照之江

南寵姬宮中每夜綴大珠十數照耀如同白日張說  
賂九公主夜明簾古人不貴異物而珍寶充牣若此  
今時隋珠趙璧毋論民間即天府亦不可多得也蓋  
經一番兵火便消耗一番而金元之變中國之物輦  
入夷狄者又不知其數也漢梁孝王薨庫中黃金至  
四十萬竹今之禁中有是乎糜竺助先主黃金十萬  
竹今之富室有是乎明謝肇淛  
五雜俎  
端溪俚人岑班入山遇一寶珠徑五寸取還夜光明  
照燭俚人甚懼以火燒之雖小損猶照一室沉懷遠  
南越志


○說

謹按德慶州志文同

夜光池昔隨候行於外見群牧擊一蛇傷及血宛轉  
波中候憐之救入水中而去後蛇啣徑寸珠於堂吐  
池曰我龍王子向戲草中受傷郡牧感君活命將珠  
報德候得珠進楚王王置殿上夜光如畫此地以治  
地故因名夜光焉

德安府志

明月珠



明月珠

大初三年起甘泉望風臺臺上得白珠如華一枝帝以錦蓋覆之如照月矣因名照明珠以賜董偃盛以琉璃之筐漢郭憲洞冥記

西北荒中有二金闕高百丈金闕銀盤圓五十丈二闕相去百丈上有明月珠徑三丈光照千里中有金階西北入兩闕中名曰天門埤按陸公佐新闕銘云東方朔神異經

海中有大珠明月珠水精珠晉顧微廣州記

古今註曰章帝元和元年明珠出館陶大如李有明  
 耀三年明月珠出預章海員大如鷄子圍四寸八分  
 章和元年薛林大珠圍三寸和帝永元十五年薛林  
 降民得大珠圍五寸徑七分太平御覽  
 漢書曰武帝時使人入海市明月大珠至圍二寸至  
 下又曰昭帝上官太后被珠襦廢少帝為昌邑王唐  
陽詢類聚  
 史記曰鄒陽上書臣聞明月之珠夜光之璧以闇投  
 於人道路人無不按劍相盼者何則無因而至太平

御覽

嘉祐中揚州有一珠甚大天晦多見初出于天長縣  
 陂澤中後轉入甕社湖又後乃在新開湖中凡十餘  
 年居民行人常常見之予友人書齋在湖上一夜忽  
 見其珠其近初微聞其房光自叻中出如橫一金綠  
 俄頃忽張殼其大如半席殼中白光如銀珠大如拳  
 爛然不可正視十餘里間林木皆有影如初日所照  
 遠處但見天赤如野火倏然遠去其行如飛浮於波  
 中杳杳如日古有明月之珠此珠色不類月熒熒有

毛焯殆類日光崔伯易嘗為明珠賦伯易高動人蓋  
常見之近歲不復出不知所往樊良鎮正當珠往來  
處行人至此往往維船數宵以待現名其亭為玩珠

宋沈括夢溪筆  
談○津逮秘書

未央宮漸臺西有桂宮中有明光殿皆金玉珠璣為  
簾箔綴明月珠金砌玉階晝夜光明辛氏三卷  
記○說郛

廣列記鯨鯢目即明月珠也魚死而月皆無精宋孔  
白

孔六  
帖

機謹按梁任昉述異記云南海有明珠即鯨魚目

瞳鯨死而月皆無精可以鑿謂之夜光由是觀之  
則明月珠亦有夜光之名也

始皇墳周廻七百步下周三泉刻玉石為松柏以明  
月珠為日月元楊奐山陵  
雜記○說郛

鯨大者長千里小者數千步一生數萬子常以五六  
月就岸邊生子至月引其子入海中鼓浪成雷

噴沫成雨水族驚畏之其雌曰鯢大者亦長千里眼  
睛為明月珠李日華時  
物典彙

按神記曾參至孝有玄鶴被射窮而歸參冬收療治

愈而放之。後雌雙至參門。各啣明月珠報參。明馮應

廣義

漢元和三年。明月珠出豫章海昏縣。大如雞子。圍四

寸八分。今去縣東一十五里。青樹灣一名珠溪。南昌府志

○建昌縣志

史記曰。明月之珠藏於蚌中。蛟龍淵鑑類函


交州記。蚶蚌似瑤瑁。其甲有黑珠。廣州記。鯨魚目即


明月珠也。故鯨魚死而月昏。無精。三秦記云。昆明池

中昔人鈎魚。綸絕而去。遂通夢于漢武帝。求去鈎。帝


明日戲池上。見大魚。啣索。帝曰。豈夢中所見耶。取而放之。三日後池邊得明珠一雙。帝曰。豈非魚之所報

耶。清來元成博學彙書





如意寶珠



玉屬 如意寶珠 一

如意寶珠

倭有女意宝珠其色青大如雞子夜則有光云魚眼晴也宋鄭夾滌通志

倭國有阿蘇山其石無故火起接天者俗以為異因行禱祭有如意宝珠其色青大如雞卵夜則有光云魚眼睛也宋馬端臨文獻通考

大如雞卵而圓正光色極瑩置室中明如滿月闕名

韻府珠繫衣上從心所欲皆如意乃神珠心也明范



典籍  
便覽

統志日本國阿蘇山石火起接天倍異而禱之有如  
意寶珠大如雞卵色青夜有光永樂初年封為壽安

鎮國山 明馮應京  
月令廣義

五代志楚州獻如意寶珠大如雞子而圓正色極瑩

澈置之室中明如滿月 淵鑑  
類函

梁四公傳杰公語梁武帝曰如意珠上者夜光照四

十里中者十里下者一里光之所及無風雨雷電水

火刀兵諸毒厲驪珠九色上者夜光百步中者十步

下者一室光之所及無蛇虺蟲豸之毒蟲珠七色而  
多赤其蟲六足二目目當其陷處有凹有鐵鼻蚌珠  
五色皆有夜光及數尺無瑕者為上有瑕者為下蚌  
珠生于蚌腹與月盈虧蛇珠所致隋侯即其事也 上同

庶物類纂

庶物類纂

青鳳子

玉屬 青鳳子

青鳳子

青鳳子新安楊不棄精于鑒別法書名画吳用卿所刻新帖皆其審定鈎摸上石不棄卿人有得一石于水濱狀如鷺子而青瑩可愛楊以千錢易之恒以自隨作鎮紙及楊來燕有外國人數來看之不忍釋手楊詢之其人曰此名青鳳子即吾土價亦不貲于是聲價一旦貴踴有一兩殿供事許以千金易去進內聞為禁中寶重夫此一石也棄之水濱與瓦礫無異一遇知者遂為上方大寶物固有遭與不遭如此哉

原物類考卷八  
○ 胡應麟 甲乙剞言  
陳眉公 秘笈

火齊

博物志卷八

火齊

說文曰火齊玫瑰也

韻雜曰琉璃火齊珠也

漢書故事曰上起神屋綴以火齊

吳錄南西徠縣有火齊如雲母重沓可開黃似金

南州異物志曰火齊出天竺狀如雲母色如紫金離

別之節如蟬翼積之如紗縠重沓

張衡西京賦曰翡翠火齊絡以美玉太平御覽

南史曰中天竺國在大月支東南數千里出火齊狀

如雲母如紫金有光耀列之則蟬翼積之則如紗縠之重沓也上同

天竺有火齊如雲母而紫色列之則薄如蟬翼積之

則如紗縠之重沓宋馬端臨文獻通考

火齊金翅鳥所成碧色珠也今所謂走母綠者是史補

○明劉仲達鴻書

說文謂之火齊珠漢書謂之玫瑰音枚回唐書云東南海中有羅刹國出火齊珠大者如雞卵狀類水精圓白照數尺日中以艾承之則得火用灸艾炷不傷

人今占城國有之名朝霞大火珠又續漢書云哀牢夷出火精琉璃則火齊乃火精之訛正與水精對明李

東璧本草綱目

有火齊如雲母而紫色列之則薄如蟬翼積之則如紗縠之重沓也明豫章羅日賢咸賓錄

庶物類纂

庶物類纂玉屬卷之九目次


辟珠

諸物珠


庶物類纂

玉屬目次

庶物類纂卷九



辟珠



庶物類纂卷九

玉屬

辟珠

一



博物志卷十

辟珠

辟珠大者如指頂次如菩提子次如黍粟質理堅重  
如貝辟銅鐵者銅鐵不能損辟竹木者竹木不能損  
犯以他物即毀矣常附胎於椰子櫝榔果穀之實之  
內通謂之聖鑊島夷能辨之故以為奇寶也  
花木鳥獸  
珍玩考

明慎懋  
官華夷


博物志卷十

玉屬


辟珠

二

蘇物類纂卷九



諸物珠



蘇物類纂卷九

玉屬 諸物珠 一

庶物類纂卷之九

諸物珠

凡珠有龍珠龍所吐者蛇珠蛇所吐者南海俗諺云

蛇珠千枚不及玫瑰言蛇珠賤也玫瑰亦是美珠也越人諺

云種千畝木奴不如一龍珠梁任肪述異記

龍珠○莊子曰河上有貧窮待織蕭而食者其子投

淵得千金之珠謂其子曰取石來鍛之夫千金之珠

必在九重之淵驪龍領下子能得珠者遭其睡也使

驪龍寤之尚奚有哉太平御覽

龍珠○大禹有黃龍負舟得寶玉于龍背龍即馴然

庶物類纂卷之九

玉屬

諸物珠

二

而逝故謂之龍負玉註曰即龍輔也三餘帖

龍珠○揚歷岩距南雄城十五里有二岩上有龍潭

下有祇林寺歲旱郡守禱而雨一日雲霧雜襲文病

登岩視之龍吐一珠大如雞子中有小龍動躍郡守

以匣載以黃袱裹之留鎮此卿後有郡守私竊而歸

者至庾嶺下遂烈風雷雨守驚徑差人送還本處至

元丙子火兵後不存矣湖海新聞

龍虎珠○西域有進美玉者二亡其一一圓一方徑各

五寸光彩凝冷可鑑毛髮時玄解方坐於上前熟視

之曰此一龍玉也一虎玉也上驚而問曰何謂龍玉

虎玉邪玄解曰圓者龍也生於水中為龍所寶若投

之水必虹蜺出焉方者虎也生於崑谷為虎所寶若

以虎毛拂之即紫光迸逸而百獸懾服上異其言遂

令試之各如其說詢得玉之由使人曰一自漁者得

一自獵者獲上因命取龍虎二玉以錦囊盛之於內

府唐蘇鸚杜陽

建炎元年鄂州嘉魚縣農夫乘春雨耕田於陰雲蔽

野中見一火毬在空中欲上復下竟墮地光焰赫然須

史漸息，牧童以箬笠覆之，一燕而盡。老人或稍有識者，曰：我聞驪龍有珠，是必因閉而墜，須持厭服掩取，乃可。農釋手解犢鼻視，罩于上，火焰如沃果，一大寶珠包以歸，獻于主人。田二翁與千錢，真諸佛室。至夜，祥光四發，高出屋外，遠近望之，謂田氏遭火，及赴救，則不然。喧傳達於邑，令令欲得之，而慮其閉拒，乃擬他事，囚翁于獄，使吏諷之。翁曰：此亦何用，願以獻。令大喜，遽命取之。而前一夕濃霧罩翁居，對面不相認。迨開霽，已失珠所在。其家來報，令不以為然，謂其靳

誕橫施械，桔翁不能自脫，竟歿獄中。

宋洪邁夷堅志

蘇州華亭縣有陸四官廟，元和初，有鹽船數十隻泊廟前。守船者夜中雨過，忽見廟前光明如火，窺之見一物長數丈，大如屋梁，口弄一團火，或吞或吐。船者以竹篙遙擲之，驚入草，光遺在地。視之，乃一珠徑寸，光耀射目，即以衣裹之。光明透出，乃脫褻衣，裹之光遂不現。至揚州，胡店賣之，獲數千緡。問胡曰：此何珠也？胡人不告而去。原化錄。松江府志。有一客以泛海耗本，逡巡而歸，舟泊孤島，客間步島

上見一巨殼可受十斛許意為巨龜之殼繩綴之牽繫下船歸置旅中值諸客陳寶設會客姑舉殼几上一賈胡趨前曰此鼉殼老而有珠二十四肋各一珠價巨萬矣商以巨富清來元成博學彙書蛇珠○有鳳葵草色丹葉長四寸味甘久食令人身輕肌滑赤松子餌之三歲乘黃蛇入水得黃珠一枚色如真金或言是黃蛇之卵故名蛇珠亦名銷疾珠語曰寧失千里駒不失黃蛇珠漢郭憲洞冥記蛇珠○廣異記長安至相寺一賢者同佛座下一蛇

相往四十餘年忽夜見光燦滿堂於蛇穴得珠徑寸遇胡人曰蚌珠值百萬此乃蛇珠值止千貫賢者嘆服賣之明馮應京月令廣義

蛇珠○欽州村婦黃氏禾屋內夜有光芒現人甚訝之一日黃婦取禾晒曝見禾中有一巨蛇蟠屈於彼口吐一圓物光耀奪目蛇躍而出婦拾而視之乃一珠懷而歸之是夜滿室光耀隣估以其事首官官司追稍緊其婦驚懼以珠於甑內蒸過遂晦而不明後遇識者乃曰此蛇珠也若不蒸過則價無限矣湖海新聞

夷堅續志

羊珠 ○漢劉鋹時苑中羊吐珠 宋馬端臨文獻通考

稽神錄晉安有東山樵人恒見山中有紫光燭天伺之久見一大鹿光自口出設置之而獲剖其腹得一紫石圓瑩如珠因寶藏之家自是富至孫奢縱好酒醉而玩其珠以為石何能神因擊碎之家自是貧

清來元成博物彙書 廣異記云唐劉全白乳母子衆愛有一狐能變化幻惑愛以大斧斫腰便成老狐有老僧見狐未死勸令

養之云狐口中媚珠若能得之常為天下所愛以繩縛狐四足又以大籠罩其上養數日狐能食僧用小瓶口窄者埋地中令口與地齊以兩截猪肉炙于瓶中狐愛炙而不能得但以口屬瓶候炙冷復下兩鬻狐涎沫久之炙與瓶滿狐乃吐珠而灰狀如棊子通圓而潔愛每帶之有驗 同上

談林弘治間鄱陽常豐倉有大鼠猫捕之輒被啣死後入一大猫兩相啣三日始寂然及啓視猫鼠皆死鼠較猫尤大日久鼠腐一童以鋤鈿碎鼠腦中一珠

黃光明瑩可愛取而鑽成孔以繩繫置衣帶間偶與羣兒據石為戲一賈胡見珠求玩問所自得童子言得自鼠首賈胡欲以銀五兩易之童子亦黠慧乃曰欲買此須百金胡許十金童子以告其父遂索胡三十金而與之詢其所用胡曰此珠可以辟穀即數千人出征每人畧啣此珠三日常飽可無飢渴之患蓋穀之精氣所結也惜今已穿孔但可一日無飢渴耳

清來元成博學彙書

山海經太山有獸其狀如豚而有珠名曰狇狇其鳴

自呼此走獸之有珠者也同上

唐寶曆中范陽節度使朱克融獲一鹿鹿胆中得珠

如彈丸黑色而軟後硬如石光明同上

馬珠○大和九年八月易定馬飲水因吐一珠以保定

府志

機謹按孔侯白孔六帖引唐五行志以下有獻字

鳥珠○王子年拾遺記曰瀛洲有鳥如鳳身紺翼丹

名藏珠每鳴翔而吐雜珠累斛仙人常以其餘飾仙

裳輕而曜於日月也太平御覽



養鵝作珠取石決明半斤磨去麁皮入好銀星石一兩令淨鉄臼拭乾細搗夾絹羅過又以好膠膠明淨者着水洗過却以水於珀椀內慢火煮撓成汁相次下藥末和勻淨洗手圓之大小稜郭任意修事令相似了卽以綉針穿孔手攤於紙內火焙令乾了養白鵝一對籠以簞擡將前做子真珠拌麩餵鵝拋糞卽收淘取洗之卽成真珠顏色與真无異事林廣記洞冥記舜葬蒼梧之野有鳥如雀名曰憑霄自丹州而來啣青沙珠積成隴阜名曰珠丘今蒼梧採藥者


時得青石潔如珠服之不似帶者身輕清來元成博學彙書

蜂珠○蘇子瞻嘗言其先祖光祿云有一書生晝坐簷下見大蜂觸網相螫久之俱墮地起視之已化為小石矣書生異而收之因置衣帶中一日過市遇蠻賈數輩視書生愕眙揖曰願見神珠笑而辭之書生戲以帶中石示之群賈相顧喜曰此破霧珠蠻人至海上採珠寶常以霧暗為苦有此珠卽霧自開因以寶貨易之值數千緡耳宋侯延慶退齊雅聞錄黑蛛珠千年一生燕照王懷此珠當盛暑體自清涼

號消涼珠 李日華時物典彙

紀聞云一仕人在官署中同妻子飲食于牖下一大蜘蛛每下就食妻子常食之久而蜘蛛愈大及三年官滿蜘蛛乃遺一珠于牖下仕者收置篋中歸途涉江風波甚險他舟皆飄沒獨此官之舟若有一絲明顯縣于舟上端然不動抵岸無虞眾疑神助後持珠示人有識者曰此珠產于蜘蛛乃定風珠也任波流風雨有此珠則兀然底定始知向者無虞實藉此珠之力 清來元成博學彙書

蜘蛛珠○蒙古反之在福建省時有村落小民家一婦人以織麻為業每夜漚麻於大水盎中忽一日視之盎中水涸矣視之初無罅漏凡數夕皆然怪其異至夜俟之夜過半果有一物來徑入盎中飲水其身通明如月光炤滿室婦細視之乃一白蜘蛛耳其大如五斗栲栳其婦遂急以大雞籠罩之割其腹內得一珠如彈丸大照明一室是夕地分軍士皆見其家有火光燭天疑為有火翌日遂往扣其婦人以為無有軍人之點者以言誘之終不能隱遂出示之其卒



脅以威以十五千得之既而千戶知其事復殺卒以取之如此轉數手亦殺數人最後歸之蒙古遂以所得福王玉枕併進之遂得江浙省平章聞內府一珠向以數千錠得之於海賈方之此珠不及其半蓋絕代之寶也 宋并陽周密癸辛雜識續集

青蛉珠 ○博物志曰五月五日取青蛉頭生中埋皆成青珠 太平御覽

蜈蚣珠 ○柳州種甘棠有光夜出柱上蠹穴中滿堂如月太守知有異物集吏卒碎柱乃大蜈蚣長亘柱

腦中得珠大如鶩卵圓瑩光彩 夷堅續志 ○明劉仲達劉氏瀉書

機謹按湖海新聞夷堅續志如月下有則視見鱗

甲大如鏡八字

玉南子記事云元成宗元貞年間廣州有一民為商耗拆貨本無聊而歸至西洋海濱見雷擊大蜈蚣一條長五六尺收拾担中晚宿旅邸小室中名商巨賈所輻輳之地是夕主人設宴坐上皆富商而渠以小商亦與席末酒數行遍問所持之貨皆曰某有某貨若干某亦有其貨若干各以實對主人嘖嘖至小商

無所可言恐旁者竊笑忽一回回人在謂曰吾觀子  
所居小房中祥光亘天必有異寶強之開視不獲辭  
謝開其舊袱止有蜈蚣一條諸商皆匿笑獨波斯曰  
即此是也于是延之上座為更新衣而禮遇之次早  
問其值小客不知價索銀二千兩波斯慨酬之各立  
文約遂取蜈蚣出僅拾頭上一寶珠其餘皮肉皆棄  
之且曰此至寶也若盡欲我五船財貨亦所不較小  
商歸家自此頗獲安富清來元成博學彙書  
魚珠○大中祥符七年二月民丘顛於九龍溪獲一

魚腹中有珠圍濶三寸七分旁有細珠七狀如七耀

漳州府志

穆天子傳曰同穴鳥鼠之山滋水出焉西注如漢水

多如魚鮓之魚是生珠玉亦母虫類太平御覽

文鮓珠○朱鼈珠○海中有文鮓鳥頭尾鳴似磬而

生玉又有朱鼈狀如肺有四眼六脚而吐珠海在鑑

江之南出南越志高州府志

機謹按晉顧微廣州記文同疑頭字下脫魚字

珠螿魚郭曰音龍其狀如肺而有目六足有珠其味酸甘

食之無癘。○郭曰無時氣病也。呂氏春秋曰澧水之魚名曰朱鰌六足有珠魚之美也。○任臣案鰌通作鼈淮南子蛤蟹珠鼈與月盛衰傳曰舜攝天子有鉞耳貫胸之民來獻珠蝦珠鼈埤雅云鼈珠在足蚌珠在腹玄覽亦云魚之珠在目鼈之珠在足一統志珠鼈生高州海中狀如肺四目六足吐珠寰宇記云高州府海中出珠鼈六眼四脚而吐珠景純江賦頽鰌豚躍而吐璣謂此也又珠或作朱阮籍詠懷詩朱鰌躍飛泉夜飛過吳洲庾信集云澧水朝浮光疑朱鰌

然朱鰌生南海大如錢腹赤如血鴻烈解云朱鰌浮波必有風雨自為一種非珠鼈也圖贊曰澧水之鱗狀如浮肺體兼三才以貨賈害厥用既多何以自衛

清吳任臣山海經廣註

山海經澧水有鰌魼之魚狀如覆鉢鳥首魚尾音如磬石之聲是生珠玉澧水有珠鰌魚狀如肺而有四目六足而吐珠鰌音鰌此乃魚也一統志高州海中亦生珠

鰌清來元成博學彙書

元李材解醒記云至元閏馬八兒國入貢國近占城

其貢有蝦囉百顆形如珠而成龍紋大者過于彈丸  
國有蝦瀨隱沙中常抱珠戲于瀨上土人俟其去取  
之同上

方珠大蛤也中有珠見月則吐津水明馮應京月令廣義

蠓蚌珠○臺地從無產珠蕩平後鳳山縣蠓港中偶

有產珠如稷米大者只堪充藥品臺灣府志

東珠○出混同江及烏喇寧古塔諸河中生於蚌蛤

採珠者以四月往八月回正月進御盛京通志

洪州胡氏子家貧有子五人其最少者氣狀殊偉此

子既生家稍充給農桑營贍力漸豐足鄉里咸異之  
一日主船載麥沂流詣州市江岸險絕截流而渡船  
勢抵岸沙摧岸崩穴中得錢數百萬乃棄麥載錢而  
歸由是其家益富市置僕馬營飾服裝咸言此子有  
福不欲久居村落因令來往城市稍親狎人事行及  
中道所乘之馬跑地不進顧謂其僕曰船所抵處得  
錢今馬跑地亦恐有物因令左右斫之得金五百兩  
賚之還家他日有商胡遇之知其頭中有珠使人誘  
而狎之飲之以酒取其珠而去初額上有肉隱起如

毬子形失珠之後其肉遂陷自是精神耗滅其家生計亦漸亡落焉錄異○明劉仲達劉氏鴻書

杜光庭錄異記云宣州節使趙錕額上有肉隱起時

人疑其有珠既為淮南攻奪其郡縣錕為亂兵所害

有卒訪其首級割額得珠貨與商胡胡云珠既死矣

不可復用乃售與塑工為佛額珠清來元成博學彙書

聽說增記云妖僧羊角禪師能前知善咒人死有張

知縣擒而治之杖之百無傷其夜大風搖屋公曰是

僧所為正衣冠坐待曙升堂呼僧厲聲詰責褫其衣

縛之以界方拍案僧股慄脇下墜一珠紅光閃爍又

墜一小冊妖術書公取二物焚之僧即死然則人亦

生珠耶同上

珠中珠○龍蛇魚蚌之族皆有珠孕各不同或懷于

胎腹頤頤或蘊于眼耳腦臉故其產亦有異也餘嘗

見珠師鑽一珠其珠徑四分許鑽猶未旋而珠忽已

貫珠師驚曰餘鑽珠多矣未有若是之易貫者徐徐

出鑽視之但見細珠如粟滾滾自其竅出吁是猶太

極之包眾象而雞子之含生氣也歟明牛哀埤雅廣要

魚物類考卷之九

機謹按二餘字疑余字訛也

嶺表錄異云鱮魚尾中有珠如栗色黃

清來元成  
博學彙書



